

Frumvarp til laga

um breytingu á lögum um opinbera háskóla, nr. 85/2008 (landbúnaðarháskólar og samstarf opinberra háskóla).

(Lagt fyrir Alþingi á 141. löggjafarþingi 2012-2013.)

I. kafli.

Breyting á lögum um opinbera háskóla, nr. 85/2008.

1. gr.

Á eftir orðunum „Háskólann á Akureyri“ í 1. mgr. 1. gr. laganna kemur: Landbúnaðarháskóla Íslands og Hólaskóla – Háskólans á Hólum.

2. gr.

2. gr. laganna fellur brott.

3. gr.

Eftirfarandi breytingar verða á 3. gr. laganna:

- a. Á eftir orðinu „Háskóli“ í 1. málsl. 1. mgr. kemur: er sjálfstæð menntastofnun sem.
- b. Á eftir orðunum „tækniþróunar eða lista“ í 1. málsl. 1. mgr. kemur: sbr., 2. gr. og 3 gr. laga um háskóla.
- c. Við 2. mgr. bætist: sbr. 21. gr. laga um háskóla.

4. gr.

Í stað orðsins „meistaraprófi“ í 2. málsl. 1. mgr. 16. gr. laganna kemur: doktorsprófi.

5. gr.

Eftirfarandi breytingar verða á 24. gr. laganna:

- a. Nýr stafliður, c-liður, bætist við, svohljóðandi: gjöldum fyrir nám nemenda með ríkisfang frá ríki utan Evrópska efnahagsvæðisins, að undanskildum Færeyjum og Grænlandi.
- b. Nýr stafliður bætist við, svohljóðandi: gjöldum til reksturs sumarskóla í hrossarækt og hestamennsku.

6. gr.

Á eftir 28. gr. laganna bætist við ný grein, ásamt fyrirsögn, svohljóðandi og breytist greinatala samkvæmt því:

Samstarfnet opinberra háskóla.

Rektorar opinberra háskóla, sem fengið hafa viðurkenningu ráðherra fræðslumála, skipa sérstaka samstarfsnefnd opinberra háskóla. Auk rektora skal skipa fulltrúa til viðbótar þar sem tekið verður mið af stærð háskólanna og umfangi. Nefndin skal koma saman reglulega og fjalla um sameiginleg málefni skólanna. Einkum er varðar stoðþjónustu, sameiginlega innritun, nám og námsframboð. Jafnframt skal samræma gæðamat í starfsemi skólanna og samþættingu og skipulag fræðasviða í kennslu og rannsóknum.

Ráðherra sem fer með fræðslumál skal setja nánari starfsreglur um samstarfsnet opinberra háskóla og skulu þær birtar í B-deild Stjórnartíðinda.

II. kafli.

Breyting á lögum um búnaðarfræðslu, nr. 57/1999.

7. gr.

Lög um búnaðarfræðslu, nr. 57/1999, falla brott.

III. kafli.

Breyting á lögum um rannsóknir í þágu atvinnuveganna, nr. 64/1965.

8. gr.

2. mgr. 9. gr. laganna fellur brott.

9. gr.

V. kafli laganna laganna, **Rannsóknarsvið Landbúnaðarháskóla Íslands**, 29. gr. – 37. gr., fellur brott.

IV. kafli.

Breyting á lögum um tilraunastöð Búnaðarsambands Suðurlands og Landbúnaðarháskóla Íslands að Stóra-Ármóti, nr. 29/1981.

10. gr.

3. gr. laganna fellur brott.

11. gr.

5. gr. laganna fellur brott.

12. gr.

Í stað orðanna „Landbúnaðarháskóla Íslands“ í 1. mgr. 6. gr. laganna kemur: samstarfsnefnd háskólastigsins.

V. kafli.

Breyting á lögum um losun gróðurhúsalofttegunda, nr. 65/2007.

13. gr.

Í stað orðanna „Landbúnaðarháskóli Íslands skal“ í 2. mgr. 5. gr. laganna kemur: Umhverfisstofnun er heimilt með samningi að fela sjálfstæðri rannsóknarstofnun að.

14. gr.

Orðin „Landbúnaðarháskóla Íslands“ í 3. mgr. 5. gr. laganna falla brott.

VI. kafli.

Breyting á lögum um Matvælastofnun, nr. 80/2005.

15. gr.

Í stað orðanna „starfsemi sem ráðherra hefur falið plöntueftirliti Landbúnaðarháskóla Íslands“ í c-lið 2. gr. laganna, kemur: eftirlit.

VII. kafli.

Gildistaka.

16. gr.

Lög þessi öðlast gildi 1. júlí 2013.

Ákvæði til bráðabirgða.

I.

Skipunartími núverandi háskólaráða Landbúnaðarháskóla Íslands og Hólaskóla – Háskólans á Hólum framlengist til 1. október 2013 eða þar til nýir fulltrúar hafa verið valdir í háskólaráð skólans í samræmi við 6. gr. laga nr. 85/2008.

II.

Skipan kennslu og náms við Landbúnaðarháskóla Íslands og Hólaskóla – Háskólann á Hólum skal endurskoðuð og færð til samræmis við lög um háskóla, nr. 63/2006 fyrir skólaárið 2014-2015.

III.

Nemendur sem við gildistöku laga þessara eru í námi við Landbúnaðarháskóla Íslands og Hólaskóla – Háskólann á Hólum eiga rétt á að ljúka því námi samkvæmt því námsskipulagi sem í gildi er við skólana miðað við gildandi reglur um námsframvindu.

IV.

Ráðherra skal veita Landbúnaðarháskóla Íslands heimild til að reka starfsmennta á framhaldsskóla **(athuga betur)** gera sérstakan samninga á þeim hluta starfsemi Landbúnaðarháskóla Íslands sem fellur undir lög um framhaldsskóla, nr. 92/2008, er gildi frá og með skólaárinu 2012-2013.

DRÖG